

## Фиқҳ дарслари (128-дарс). Нажосатнинг турлари (биринчи мақола)



14:00 / 18.03.2021 6299

Нажас икки турга бўлинади:

1. Ҳақиқий нажосат.

Луғатда: қон, пешоб каби айни ифлос нарсадир.

Шариатда: намозни ман қиладиган ифлослик ҳақиқий нажосатдир.

2. Ҳукмий нажосат.

Бу аъзоларга етган маънавий ҳолат бўлиб, намозни ман қилади. Унинг кичик бетаҳоратлиги таҳорат қилиш билан, катта бетаҳоратлиги ғусл қилиш билан кетади.

Ҳақиқий нажосат енгил, оғир, қуруқ, ҳўл, кўринадиган ва кўринмайдиган турларга бўлинади.

Намозхон учун бадан, кийим ва макондан нажосатни кетказиш вожибдир.

Аллоҳ таоло Муддассир сурасида:

وَوُكِّ

«Ва кийимингни покла», деган (4-оят).

Энди мавзуга оид матнларни шарҳлашга ўтайлик.

Нарса кўринадиган нажасдан сув ва ҳар қандай кетказувчи суюқлик билан нажаснинг ўзини кетказиш ила пок бўлади.

Бадангами, кийимгами, маконгами ёки бошқа бирор нарсагами, кўзга кўринадиган нажас тегса, ўша нарса уни кетказиш ила покланади. Шу билан мазкур нарса пок бўлади. Кўнгилни равшан қилиш учун кетидан яна бир-икки марта ювиб ташлашни маслаҳат берган фақиҳлар ҳам бор.

Бу ҳукмнинг далили қуйидаги ҳадисдан олинган:

عَلَيْهِ لَعْنَةُ اللَّهِ لِيَصَّيَّبَنَّ عَلَى اللَّهِ إِذْ أَرْمَأْتَهُ أَجْ؛ تَلَاقُ أَوْ نَعْنَعُ لَلِإِيضَرِّ أَمْ سَأْنَعُ  
عُنْصَتَ فَيْكَ عَصِيخُ الْإِمْدَانِ أَوْ بَوْتُ بِيضِي أَنْ أَحْ؛ تَلَاقُ فَمَلَسَ وَ  
هُوَ. «هَيْفَ لِيَصَّتْ سُمْتُ هُحْضُنْتُمْ ثَأْمَلِابُ هُصُرُقَتُّمُتْ هُتُّحَتْ»؛ لَأَقُ؟ وَبِ  
عَسْمُخُ لَلِ

Асмаа розияллоҳу анҳодан ривоят қилинади:

«Бир аёл Набий соллаллоҳу алайҳи васалламнинг ҳузурларига келиб:

«Биздан биримизнинг кийимига ҳайзнинг қонидан тегиб қолади. Уни қандай қилиш керак?» деди.

Ул зот соллаллоҳу алайҳи васаллам:

«Уни ишқалайди, сўнгра сув билан ишқалайди, кейин эса сув билан ювади, ана шундан кейин унда намоз ўқийверади», дедилар».

Бешовлари ривоят қилишган.

Гарчи кетиши қийин бўлган асари қолса-да.

Яъни нажосатни кетказиб, уни ювгандан кейин бирор изи қолса ҳам зарари йўқ. Аммо совун ёки унга ўхшаш воситалар ёрдамида асарини ҳам кетказиб юборилса, яна ҳам яхши бўлади.

Асари кўринмайдиган нажасдан агар имкони бўлса, уни уч марта ювиб, сиқиш билан пок бўлади.

Бунга пешоб ва шунга ўхшаш нажосатлар киради.

Далили қуйидагича:

لَا قَمَلَسَ وَهِيَ لَعْلَلِ لَصَّيْبٍ لِّلْإِنْعَاءِ ، وَنَعْلُ لَلِضَّرَّةِ زِيْرُهُ بَأَنْعَاءِ  
أَهْلَسْغِي تَحْءَانِ الْإِيْفِ هَدِيْ لَخْدِي الْفِ وَمَوْنُنْمُ مَكْدَحَاطِقُ وَيْتَسَالِدِإِ  
«هُدِيْ فُوطَاتُ نَكَنْيَاوَأُ هَدِيْ تَاتَابَنْيَاوَأُ يَرْدِي الْفِ مَكْدَحَاطِقُ نِإْفِ تَارْمَ ثَالِثُ  
هُدِيْ مَخْلَلِأَوْرُ»

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Бирортангиз уйқусидан уйғонса, қўлини уч марта ювмасдан туриб, уни идишга солмасин. Чунки бирортангиз қўли қаерда тунаганини билмайди ёки қўли қаерда айланганини билмайди», дедилар».

Бешовлари ривоят қилишган.

Ҳанафий мазҳаби уламолари поклиги гумон бўлган нарсани уч марта ювиш зарурлигини мана шу ҳадисдан олишган.

Бунинг имкони бўлмаса, ювиб, сув томмайдиган бўлгунча тарк қилинади, кейин яна шундай қилинади, сўнгра яна шундай қилинади.

Нажосат теккан нарса нажас билан ошланган тери ёки сиқиб бўлмайдиган ёғочга ўхшаш нарсалар бўлса, уларни ювиб, сув томмайдиган бўлгунча тек қўйилади. Уч марта шундай қилинганидан кейин пок бўлади. Чинни ва пластмасса каби сиқиб бўлмаса-да, сувни ўзига шимиб олмайдиган нарсалар уч марта ювиш билан пок бўлади.

Дон маҳсулотлари, янги сопол ва ёғоч идиш, бўйра, нажас нарса ила сувланган пичоқ каби нарсалар уч марта ювиб, қуритиш ила тозаланади.

Сариёғ ва ҳайвон ёғлари сув қуйиб, ёғни сув устига чиқариб олиш ишини уч марта қилиш ила тозаланади.

Асал ва мойнинг устидан сув қуйиб, улар сувнинг устига чиққунча қайнатилади. Кейин ўзини бир нарса билан ажратиб олинади. Бу амал ҳам уч марта такрорланади.

Нажас нарса ила пиширилган гўшт уч марта қайнатиб-совутиш ила тозаланади.

Патини юлиш осон бўлиши учун ичидаги нарсаларини олмай туриб қайнатилган товуқ ҳам мазкур услуб ила тоза бўлади.

Манийдан покланиш уни ювиш ёки қуриб қолганини уқалаб ташлаш билан бўлади.

*(Давоми бор)*

**«Кифоя» китобининг биринчи жузи асосида тайёрланди**